



Broj: A-III-22/23-IV
Sarajevo, 29.05.2023. godine

Na osnovu člana 30. Zakona o Kantonalnom tužilaštvu Kantona Sarajevo (Službene novine Kantona Sarajevo, broj: 20/02, 22/02 i 30/08), člana 64. stav 1) tačka b), člana 25., 70. i 98. Zakona o javnim nabavkama („Službeni glasnik BiH”, broj 39/14 i 59/22) – u daljem tekstu: ZJN, člana 6. i 39. Pravilnika o postupanju u javnim nabavkama Kantonalnog tužilaštva Kantona Sarajevo, broj: A-718/2019 od 26.07.2019. godine, te preporuke Komisije za provođenje postupka javne nabavke roba: „Nabavka kopir aparata za potrebe Kantonalnog tužilaštva Kantona Sarajevo“, date u Zapisniku broj: A-III-22/23–III od 26.05.2023. godine, Glavna kantonalna tužiteljica donosi:

ODLUKU

**o izboru najpovoljnijeg ponuđača i dodjeli ugovora za nabavku kopir aparata
za potrebe Kantonalnog tužilaštva Kantona Sarajevo**

I

Prihvata se preporuka Komisije za javne nabavke i Ugovor o nabavci roba – kopir aparata za potrebe Kantonalnog tužilaštva Kantona Sarajevo dodjeljuje se najpovoljnijem ponuđaču **„SYSTEM ONE” d.o.o. Sarajevo, Azize Šaćirbegović 80c, 71000 Sarajevo**, a prema ponudi broj: 007/05/2023 od 04.05.2023. godine, s ukupnom cijenom **9.00,00 KM bez PDV-a, odnosno 10.530,00 KM sa PDV-om**, kao najpovoljnija ponuda.

II

Ugovor o javnoj nabavci dostavit će se na potpis izabranom ponuđaču **„SYSTEM ONE” d.o.o. Sarajevo**, po proteku 15 dana od dana kada su svi ponuđači obaviješteni o izboru najpovoljnijeg ponuđača, u skladu sa članom 98. stav (1) ZJN.

III

Ova Odluka će se objaviti na internet stranici Kantonalnog tužilaštva Kantona Sarajevo, istovremeno s upućivanjem svim ponuđačima koji su učestvovali u postupku javne nabavke, u skladu sa članom 70. stav (6) ZJN.

IV

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke u skladu sa članom 71. stav (2) ZJN.



Obrazloženje

Na osnovu Odluke o pokretanju postupka javne nabavke broj: A-III-22/23 od 14.04.2023. godine pokrenut je postupak javne nabavke roba: „*Nabavka kopir aparatae za potrebe Kantonalnog tužilaštva Kantona Sarajevo*“, procijenjene vrijednosti 10.900,00 KM bez PDV-a, putem otvorenog postupka javne nabavke roba.

Obavještenje o nabavci broj: 274-1-1-45-3-6/23 od 25.04.2026. godine objavljeno je na Portalu javnih nabavki, zajedno sa cjelokupnim tekstom Tenderske dokumentacije, a sažetak obavještenja o nabavci objavljen je u Službenom glasniku BiH. Shodno Uputstvu o dopunama uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“, ponuđači su istu mogli preuzeti samo putem Portala javnih nabavki.

Zahtjev za pojašnjenje tenderske dokumentacije u predmetnom postupku javne nabavke, u skladu sa tačkom 6.2. TD, u zakonskom roku putem portala JN je postavio „SYSTEM INVEST“, dana 26.04.2023. u 10:32 i isto se odnosilo na tehničku specifikaciju odnosno tehničke karakteristike za: Rezolucija ispisa bude minimalno 1.800 x 600 dpi, mi možemo da ponudimo 1.200 x 1200 dpi što je u konačnici bolje. Da li je za ugovorni organ prihvatljiva rezolucija 1.200 x 1.200 dpi?

Ugovorni organ je dana 26.04.2023. u 14:30 sati, u skladu sa članom 56. stav (2) Zakona o javnim nabavkama Bosne i Hercegovine ("Službeni glasnik BiH" broj: 39/14 i 59/22), u zakonskom roku dao sljedeće pojašnjenje: Pregledom tehničkih karakteristika iz Obrasca za cijenu ponude - robe - Aneks 3. tenderske dokumentacije, primijećeno je da je došlo do greške u opisanoj karakteristici Rezolucija ispisa. Naime, umjesto navedene karakteristike Rezolucija ispisa: minimalno 1.800 x 600 dpi, trebalo je da stoji Rezolucija ispisa: minimalno 600 x 600 dpi.

Shodno navedenom, mijenja se Obrazac za cijenu ponude - robe - Aneks 3. u gore navedenom dijelu, te novi Obrazac za cijenu ponude - robe - Aneks 3. postaje važeći i sastavni dio tenderske dokumentacije, umjesto prvobitnog. U svim ostalim dijelovima, tenderska dokumentacija ostaje nepromijenjena. Nakon što se objavi odgovor na ovo pitanje, ugovorni organ će objaviti novi izmijenjeni Obrazac za cijenu ponude - robe - Aneks 3., koji će biti izmijenjen u dijelu koji je gore naveden.

U skladu sa Pravilnikom o uslovima i načinu korištenja e-aukcije (Službeni glasnik BiH broj: 66/16), u postupku dodjele Ugovora, ugovorni organ je predvidio provođenje E-aukcije. Predmetni postupak se provodi u informacionom sistemu Agencije za javne nabavke E-nabavke i predstavlja način provođenja dijela postupka javne nabavke, koji uključuje podnošenje novih cijena, zamijenjenih naniže.

U skladu sa tenderskom dokumentacijom, rok za podnošenje ponuda je 18.05.2023. godine u 11:00 sati, a javno otvaranje ponuda istog dana u 11:15 sati, na adresi Ugovornog organa - Radićeva 6., Sarajevo.

Kriterij za dodjelu Ugovora, shodno odredbama člana 64. ZJN, je „najniža cijena tehnički zadovoljavajuće ponude“.

BOSNA I HERCEGOVINA | FEDERACIJA BOSNE I HERCEGOVINE | KANTONALNO TUŽILAŠTVO KANTONA SARAJEVO

Adresa: Radićeva 6, 71000 Sarajevo, Centrala: 033/276-813, Pisarna: 033/276-811, Ured glavne tužiteljice: 033/276-826, Faks: 033/276-871

Elektronska pošta: kant_tuz@bih.net.ba, Web stranica: kt-sarajevo.pravosudje.ba



Bosna i Hercegovina
Federacija Bosne i Hercegovine
Kantonalno tužilaštvo
Kantona Sarajevo

Komisija za provođenje tenderskih procedura Kantonalnog tužilaštva Kantona Sarajevo, formirana Rješenjem broj: A-166/20 (u daljem tekstu: Komisija) je dana 18.05.2023. godine u 11:15 sati, u prostorijama Ugovornog organa izvršila javno otvaranje ponuda i sačinila Zapisnik sa otvaranja ponuda, u kojem je konstatovala da su u predmetnom postupku blagovremeno zaprimljene 3 (tri) ponude. Javnom otvaranju ponuda nije bilo prisutnog predstavnika ponuđača. Zapisnik sa otvaranja ponuda dostavljen je svim ponuđačima koji su učestvovali u postupku javne nabavke u zakonskom roku, u skladu sa članom 63. stav 6. Zakona o javnim nabavkama.

Nakon otvaranja ponuda, Komisija je izvršila pregled i ocjenu prispjelih ponuda, te sačinila Zapisnik o pregledu i ocjeni ponuda broj: A-III-22/23-III od 26.05.2023. godine, koji je sastavni dio ove Odluke, i u kome je konstatovala sljedeće:

U ostavljenom roku blagovremeno su pristigle tri (3) ponude i to ponude ponuđača: **"System one" d.o.o. Sarajevo, "Racional" d.o.o. Sarajevo i "Emado" d.o.o. Sarajevo.**

Komisija je konstatovala da su dostavljene ponude ponuđača: **"System one" d.o.o. Sarajevo, "Racional" d.o.o. Sarajevo i "Emado" d.o.o. Sarajevo prihvatljive** prema obliku, sadržaju, potpunosti, sposobnosti obavljanja registrovane djelatnosti i tehničke i profesionalne sposobnosti, te da ponuđene vrijednosti ponuda odgovaraju planiranim, odnosno osiguranim sredstvima.

Komisija je izvršila uvid u ponude u pogledu zadovoljavanja **tehničkih uslova za predmete nabavke**, zahtijevane u tehničkoj specifikaciji, datoj u Obrascu za cijenu ponude –robe –Aneks 3. tenderske dokumentacije Otvorenog postupka. Kako su u ponudi ponuđača „EMADO“ d.o.o. Sarajevo u tehničkom listu, stranica 24. ponude u opisu stavke Memory bile navedene dvije varijante kapaciteta memorije, i to: Standard 2GB+32GB SSD i max. 2GB+32GB+320GB HDD, Komisiji nije bilo jasno koju od ponuđenih varijanti je ponuđač „EMADO“ d.o.o. Sarajevo ponudio, te je dana 23.05.2023. godine, u skladu sa članom 68. stav (3) Zakona o javnim nabavkama BiH („Službeni glasnik BiH“ broj: 39/14 i 59/22) uputila putem e-maila Zahtjev za pojašnjenje ponuđaču „EMADO“ d.o.o. Sarajevo, a isti je isti dan dostavio pojašnjenje da je ponuđena memorija HD-12 Storage: Optional HDD 320GB, odnosno da ponuđeni uređaj ima 2GB+32GB+320GB HDD, što odgovara zahtjevima tehničke specifikacije tenderske dokumentacije. **Shodno mišljenju IKT službe KTKS** utvrdila je da su sve dostavljene ponude ponuđača: „SYSTEM ONE“ d.o.o. Sarajevo, „RACIONAL“ d.o.o. Sarajevo, i „EMADO“ d.o.o. Sarajevo **pravilne**, odnosno da je ponuđena roba u skladu sa tenderskom dokumentacijom, odnosno tehničkom specifikacijom, primljene su u roku za dostavu ponuda, ne postoje dokazi o tajnom sporazumu ili korupciji, ponude su rezultat tržišne konkurencije i cijene ponuda nisu izuzetno niske (neprirodno niske). Sastavni dio ovog Zapisnika je Zahtjev za pojašnjenje ponude i Odgovor po zaprimljenom zahtjevu na mail od 23.05.2023. godine.

Polazeći od gore navedenih konstatacija i činjenice da su tri (3) blagovremeno pristigle ponude prihvatljive za ugovorni organ i pravilne, s obzirom da ispunjavaju uslove iz tenderske dokumentacije, Komisija je pristupila vrednovanju prihvatljivih i pravilnih ponuda, shodno utvrđenom kriteriju „najniža cijena“ tehnički zadovoljavajuće ponude, te je tabelarni pregled na osnovu navedenog kriterija – rang lista prihvatljivih i pravilnih ponuda za nabavku roba: **„Nabavka kopir aparata za potrebe Kantonalnog tužilaštva Kantona Sarajevo“ JRJN: 30121100-4 Mašine za fotokopiranje, prema tehničkoj specifikaciji, prije održavanja e-aukcije** sljedeći:



Bosna i Hercegovina
Federacija Bosne i Hercegovine
Kantonalno tužilaštvo
Kantona Sarajevo

R.B.	Naziv ponuđača	Vrijednost inicijalne ponude bez PDV-a
1.	“EMADO” d.o.o. Sarajevo, broj ponude: NR-2205-33/23	10.800,00 KM
2.	“RACIONAL” d.o.o. Sarajevo, broj ponude: JN 15TKS/23	10.860,00 KM
3.	“SYSTEM ONE” d.o.o. Sarajevo, broj ponude: 007/05/2023	10.900,00 KM

Komisija je nastavila sa radom dana 26.05.2023. godine, za kada je E-aukcija zakazana sa početkom u 11:00 sati i trajala je do 11:12 sati.

Shodno izvještaju o toku i završetku E-aukcije, kreiranog od strane AJN, rang lista prihvatljivih i pravilnih ponuda nakon e-aukcije je:

R.B.	Naziv ponuđača	Vrijednost konačne ponude bez PDV-a
1.	“SYSTEM ONE” d.o.o. Sarajevo, broj ponude: 007/05/2023	9.000,00 KM
2.	“RACIONAL” d.o.o. Sarajevo, broj ponude: JN 15TKS/23	9.589,00 KM
3.	“EMADO” d.o.o. Sarajevo, broj ponude: NR-2205-33/23	10.800,00 KM

Kao prvorangirana najpovoljnija ponuda, prema kriteriju najniža cijena, je ponuda izabranog ponuđača „SYSTEM ONE” d.o.o. Sarajevo, Azize Šaćirbegović 80c, 71000 Sarajevo, s ponuđenom cijenom 9.000,00 KM bez PDV-a, odnosno 10.530,00 KM sa PDV-om.

Cijeneći naprijed navedeno, primjenom člana 64. stav 1. tačka b) najniža cijena ZJN, odlučeno je kao u dispozitivu.

POUKA O PRAVNOM LIJEKU:

Protiv ove Odluke dopuštena je žalba u pisanoj formi, koja se podnosi nadležnom organu u roku od 10 (deset) dana od dana prijema Odluke, a u skladu sa članom 99, stav (1) tačka d) ZJN.

GLAVNA KANTONALNA TUŽILJICA

Sabina Sarajlija

Dostavljeno:

- Ponuđač „SYSTEM ONE” d.o.o. Sarajevo,
- Ponuđač „RACIONAL” d.o.o. Sarajevo,
- Ponuđač „EMADO” d.o.o. Sarajevo,
- Komisija,
- U spis.